

# Lo bilong Strepela Pasin insait long Institut

Mun Septemba 2025



INSTITUTE OF  
SISTERS *of* MERCY  
OF AUSTRALIA & PAPUA NEW GUINEA



*The Institute of Sisters of Mercy of Australia and Papua New Guinea acknowledges the First Nations Peoples of Australia and the Indigenous Peoples of Papua New Guinea.*

*We recognise and respect the uniqueness of their ancient cultures.*

*We honour the wisdom of their ancestors who today guide their care of Earth and their paths towards true self determination.*

*We pray that all will prosper through ways that are just and peaceful.*

# 1. Tok Igo Pas

Mesi Sista long Australia na Papua Niugini (Institut) i laik bai ol wokmanmeri bilong en i mas strongim Lo bilong stretpela pasin long wokples. Dispela i makim tu ol pasin bilong strongim raits bilong manmeri, rispek, pasin bilong stap gut wantaim olgeta lain na lukaut bilong ol pikinini na ol manmeri i stap long hevi.

Ol wokmanmeri bilong Institut i makim tu ol sista, ol wokmanmeri, ol volantia, manmeri bilong wok kontrak (na ol narapela lain) husat i wok insait long ol wok na ministri bilong instiut.

# 2. As Tingting

Displa Lo bilong stretpela pasin bai strongim ol tingting bilong wokim gudpla pasin na i givim klia infomesen long stretpla pasin namel long ol wokmanmeri, ol pikinini na ol manmeri igat hevi.

Ol wokmanmeri i gat wok long strongim ol dispela stretpela pasin i stap insait long dispela Lo na tu ol i mas behainim ol gudpela pasin na ol pasin bilong Katolik Sios.

Dispela Lo ol i mas raitim wantaim ol Lo bilong lukautim ol samting na Lo bilong stretim ol bel hevi. Dispela Lo tu i mas wok bung wantaim ol narapela ol pepa bilong Institut na Katolik Sios.

# 3. Mak bilong Wok

Dispela Lo bilong Strepela Pasin em i karamapim olgeta wokmanmeri bilong Institut. Bifo long ol wokmanmeri i stat wok long wokples, ol i mas sainim wanpela hap pepa long makim olsem ol lukim pinis, ol i save na kilia gut long dispela Lo bilong Strepela Pasin, na ol i mas wanbel long behainim, na tu ol i mas save gut long wanem bagarap bai kamap sapos ol i no behainim dispela Lo. Ol wokmanmeri mas lukim na sainim dispela Lo olgeta taim long pinis bilong tupela krismas long strongim dispela wanbel pasin olsem bai ol i mas behainim dispela Lo olgeta taim. Institut i gat wok long strongim dispela pasin na lukautim gut ol rekod bilong dispela wok.

## 4. Strepela Pasin

Institut i laik strongim ol dispela stiatok insait long wokples:

- Olgeta lain mas soim ol strepela pasin na gudpla lotu pasin insait long Mama bilip bilong Katolik
- Olgeta lain mas strongim ol pasin bilong stap gut, raits na tingting bilong ol narapela lain.
- Olgeta lain mas behainim strepela pasin olgeta taim
- Olgeta lain mas wokim gudpela pasin, strepela pasin na tingim ol narapela long taim bilong hevi
- Olgeta lain mas i gat pasin bilong harim na traim long skelim ol kain kain lukluk na save bilong ol narapela lukluk (ino long yu bai wanbel olgeta taim long ol dispela tingting bilong ol narapela lain)
- Olgeta lain mas i gat rispek olgeta taim, givim rispek long pasin bilong tumbuna, givim rispek long ol narapela lain na rispek long ol narapela lotu
- Olgeta mas kamapim wanpela lukluk we i mas wanbel wantaim ol narapela na ino long bagarapim ol narapela o bagarapim narapela sapos em manmeri o em meri, sapos em i marit o nogat, em i gat pikinini o nogat, hamas krismas bilong em, em bilong wanem hap stret, o em bilong wanem hap kantri stret, em gat skin o nogat o sapos em i gat skin bilong narapela man o meri. Ol kain pasin nogut i ken brukim Lo bilong Anti-Diskriminesen Ect 1977.

## 5. Laip na Pasin bilong Wokples na Laip bilong Yu yet

5.1. Long taim bilong wok, ol wokmanmeri mas:

- a) igat strepela pasin na gudpela wok tru taim ol i stap long wokples
- b) soim pasin bilong lukautim ol samting na lukautim ol yet
- c) strongim na kirapim save insait long wok bilong yu wanwan long wokples
- d) painim rot bilong wok strong na kamap gut insait long wokples
- e) pinisim gut wok inapim laik bilong ol Lida insait long wokples na strongim pasin bilong lukautim samting, soim gudpela samting na wokim ol wok wantaim strepela tingting
- f) lukautim gut helt na seifti
- g) wanbel na behainim ol kain Lo i stap long wokples
- h) toktok gut wantaim strepela tokpisin na noken tru tok nogut long ol narapela na
- i) strongim ol rekod long sapatim wanem ol disisen i kamap.

5.2. Insait long wokples long taim bilong wok, ol wokmanmeri mas noken:

- a) wokim ol samting we i ken bagarapimm helt na seifti bilong ol narapela
- b) wok na tu kisim ol marasin we i ken bagarapim wok na kamapim birua long ol yet na ol narapela lain long wokples
- c) brukim ol Lo bilong helt na seifti we Institut i putim i stap
- d) traim long kisim o painim aut ol infomesen taim ol i wok
- e) kisim wok ol i wokim olsem wanpela samting we i ken kamap gut tumas long ol yet o ol narapela lain
- f) larim ol tingting bilong ol yet na ol wok politiks grup ol i save wok bung wantaim, long bagarapim ol wok insait long wokples
- g) kisim ol komputa na intanet samting long wokim ol pasin we ken bagarapim ol narapela, kamapim birua long ol, o wokim ol pilim olsem ol i no seif na
- h) wokim ol faul toktok, giaman pasin na koros long ol narapela wokmanmeri.





## **6. Strepela Pasin taim yu Wok wantaim ol Pikinini na ol Man igat hevi.**

- 6.1 'Pikinini' em toktok long ol pikinini husat Krimas bilong ol i 18 na igo daun<sup>1</sup>
- 6.2 'Manmeri i gat Hevi' em toktok long ol man o meri husat i stap long mak bilong 18 Krismas na igo antap na isi tru long ol bungim hevi.
- 6.3 Wokmanmeri mas noken stap insait long dispela kain Pasin:
  - a) ol kain pasin bilong sexual abuse
  - b) ol kain pasin bilong stilim moni, wokim kainkain long moni na faulim ol moni
  - c) ol kain pasin bilong luk gut tasol long traिम silip wantaim narapela
  - d) wokim ol toktok na pasin we i ken traिम long paulim het bilong ol lain n silip wantaim ol
  - e) stap insait long ol toktok bilong ol man o meri i silip raun o salim ol piksa bilong bodi bilong ol igo kam
  - f) stap yu yet wantaim ol pikinini long ples hait taim nogat lain i stap o givim tok orait
  - g) stap yu yet wantaim wanpela manmeri igat hevi, tasol sapos ol i givim tok orait na narapela bikman o meri tu i stap<sup>2</sup>
  - h) painim wok long lukautim na go stap klostu long wanpela man o meri taim em yet ken halivim em yet.
  - i) ino gat rispek long praivesi bilong ol manmeri

<sup>1</sup> Plis lukim pepa long baksait long moa infomesen bilong ol 'bikman husat i ken painim bagarap isi tru'

<sup>2</sup> kism piksa na salim raun ol piksa bilong ol pikinini husat i stap aninit long lukaut bilong kampani husat i stap long ke bilong kampani autsait long ofisol duti na nogat gudpela tok orait i kam long ol papa mama/wasmanmeri bilong pikinini.

- j) paitim ol manmeri
- k) wokim planti ol bikpela askim
- l) yusim ol bikneim na bikpela posisen long wokples long fosim ol manmeri long wokim ol samting we i disrispek long raits bilong ol
- m) givim ol kain ol drag, ol dring na ol simuk long ol pikinini na ol bikmanmeri husat i ken bungim hevi isi tru
- n) Wok hait na stori hait wantaim ol pikinini long intanet taim ol papa mama bilong pikinini ino save na givim tok orait.
- o) Wokim samting wantaim wanpela man o meri wei yu pas gut tumas wantaim na yu ken luk osem yu wokim wantok sistem o yu wokim ol spesol pasin long em
- p) kisim piksa na salim raun ol piksa bilong ol pikinini husat i stap aninit long lukaut bilong kampani husat i stap long ke bilong kampani autsait long ofisol duti na nogat gudpela tok orait i kam long ol papa mama/ wasman bilong pikinini.

#### 6.4 Wokmanmeri mas:

- a) ripot igo long Bosmanmeri o wanpela Lida long wokples behainim ol pasin we yu wokmanmeri i lukim olsem ino stret olsem pikinini o bikman igat hevi i ken isi tru bungim hevi (Painim dispela toktok long polisi bilong stretim ol komplein).
- b) lukautim ol pikinini na ol man igat hevi long ol bagarap i ken kamap na.
- c) mek so olsem ol wok we igat kontek wantaim ol pikinini na ol man igat hevi em igat gudpela risen behain long en long as tingting bilong lukautim ol, na mek soa wokim long ol pikinini na manmeri wantaim rait krismas, na lukaut tu long helt bilong ol na ol narapela rot tu.

## 7. Rot bilong Ripotim Samting

Institut bai behainim ol rot bilong ripotim ol hevi bilong seifti bilong pikinini na ol manmeri igat hevi igo long polis na ol narapela gavaman bodi sapos Lo i laikim. Long mek soa Institut i behainim ol dispela rot gut, wokmanmeri mas ripotim ol wari bilong seifti bilong pikinini na ol man igat hevi long Bosman na Lida insait long wokples kwik taim, wankain osem insait long Komplein Polisi bilong Institut.

## 8. Stretpla Pasin na Olgeta lain Insait

Wokmanmeri mas kamapim wanpela stretpla pasin na seif ples, we ol kain kain manmeri na tingting i ken kamap ples klia, kamap buli, pait igo kam na kamap viktim em ino street. Wokmanmeri mas noken bagarapim ol narapela man or meri tasol lukluk long kalsa tokples, jenda aidentiti o ol narapela samting.

## 9. Presen, ol Helpim na Gudpla pasin bilong lukautim ol narapela

Wokmanmeri i gat wok long wokim stretpela pasin na wokim gut long olgeta manmeri wankain. Wokmanmeri mas noken kisim ol presen, kisim ol halivim o kisim ol gudpela pasin we i ken faulim tingting long wokim blo yu.

## 10. Konflik of Intres

10.1 Ol Wokmanmeri igat wok long wokim insait long Konflik of intres (wantaim moni or narapela wei) long wokim stret, gudpla na wokim ples klia na ino hait. Dispela Konflik of Intres i save kamap taim ol wokmanmeri igat praivet intres we i ken bagarapim gudpla tingting na gudpla wok insait long wokples. Em i save kamap tu taim igat ol askim bilong pesinol benefit, dairek or indairek, we i ken influensim wok bilong ol wokmanmeri. Dispela benefit em i ken kamap olsem moni or ol narapla ol samting.

10.2 Ol Wokmanmeri Mas:

- a) wok gut behainim ol pasin bilong Katolik Sios. Igat strong lo tok nogat, mas igat open na stretpela tinging, wokim ol disisen wantaim stretpela pasin na gutpela akaunt
- b) noken kisim sait, tok klia and tok stret, givim ol gudpela tinting na stiatok wantaim stretpela pasin long lukautim intres bilong Institut
- c) tokaut long ol intres (intres long moni o nogat) we i ken bagarapim ol wok i stap
- d) yusim gudpela tinting long skelim sapos presen o gutpla lukaut pasin yu kisim em i orait o nogat



- e) olgeta disisen i mas kamap gut na noken wokim disisen taim yu gat hait tingting i stap pinis
- f) wokim gutpela pasin wantaim stretpela tingting na kamap olsem namel man na
- g) ol proses i stap ples klia na ol i mas raitim gut long pepa bilong wok na i stap.

## 11. Fit long Holim Wok

Wokmanmeri husat i go pas long lukautim institut mas i gat ol pepa em kisim long skul long wokim kain wok, em kisim igat trening na igat ol save bilong wokim wok insait long fainens na ol narapela bikpela save kamap fit na holim wok. Ol memba i mas stap gut na bung wantaim ol profesional bodi.

## 12. Sait Wok

Ol Wokmanmeri i mas wokim ol wok bilong ol long wokples wantaim stretpela pasin i antap tru na i nogat ol birua samting, ol konflik of intres na noken brukim ol Lo i stap insait long ol Kontrak taim yu gat ol sait wok i stap.

Sampla taim, ol sait wok bai nogat bikpla bagarap long wok bilong yu wantaim Institut. Tasol, long ol narapela taim, sait wok i ken kamap Konflik of Intres. Sapos kain samting i kamap, ol Wokmanmeri i mas kisim tok orait pastem bifo long wokim ol sait wok. Sapos wanpela Wokmanmeri i save wokim ol sait wok i stap tudei, orait ol i mas igo lukim ol Humen Risos lain bilong Institut na tok klia long dispela taim ol i stat long Institut namabwan taim stret. Ol Wokmanmeri i ken wok long ol narapela wok olsem Volintia, tasol dispela wok mas i noken kamap olsem Konflik of Intres ken.

## 13. Lukautim ol Risos long Wokples

Ol wokmanmeri mas was gut, behainim stretpela pasin, wokim wok gut na wok hariap, na lukautim moni gut taim ol i wokim wok wantaim ol risos bilong Institut. Risos i makim ol moni, ol samting long wokples, ol masin, ol kar, ol sevis (kain olsem intanet). Ol wokmanmeri mas yusim ol risos long mak bilong yusim na ino long bagarapim, mas lukautim gut bai i noken lus or bagarap.

Ol wokmanmeri i mas lukautim gut ol risos na taim long wokples insait long taim bilong wok.

Ol wokmanmeri igat wok long tokaut ples klia igo lon Bosman na Lida long wokples sapos ol i lukim wanpela long wokples i no yusim gut ol risos, faulim or stilim na wokim ol kainkain bagarap long ol risos bilong wokples.

## 14. Sosol Midia

Wokmaneri mas lukaut taim em yusim sosol midia long ol pesinol wok. Wokmanmeri mas noken wokim ol faul toktok long Sosol Midia na bagarapim Institut.



## 15. I noken tokaut long narapela

Wokmanmeri mas noken tokaut long ol infomesen taim ol i wok yet na tu long taim ol i no moa wok wantaim Institut.

Wokmanmeri mas soim rispek long praivesi na noken tokaut long husat i ripotim ol seifti wari bilong wanpela pikinini o man igat hevi inap sapos wanpela Gavama Bodi o Lo i laikim dispela infomesen, wankain olsem i stap insait long Seif Polisi.

## 16. Yu ken stap hait taim yu tokaut lo ol samting

Taim yu tokaut long sampela rong i kamap long wokples, stil pasin, pasin giaman o risos bilong wokples ol i no yusim gut na yu tokaut, i gat rot i stap long haitim yu long birua taim yu tokaut long kain samting olsem. Institut bai nonap haitim ol wokmanmeri sapos samting ol i tokaut long en, em i no tru na Wokmanmeri i ken painim hevi long kain pasin olsem.

## **17. Bagarap i ken kamap taim wokmanmeri i brukim Lo**

Sapos manmeri i brukim dispela Lo bilong stretpela Pasin, yu ken kisim bagarap na Institut i ken rausim yu long wok (bai yu pinis long wok sapos yu kisim pas gut long pinis o nogat) na yu ken igo long tu. Dispela i ken kamao hevi long taim yu laik wok wantaim ol bikini na/o ol man igat hevi husat i ken kisim hevi isi tru. Sapos wanpela Sista i brukim dispela Lo, ol i ken rausim dispela Sista long wok ministri na dispela Sister i ken kisim bagarap.

Tok: Sapos stori bilong sexual abuse long wanpela pikinini o bikman em tru, Institu bai wokim wanpela risk proses long skelim wanem samting i ken kamap.

## **18. Lukluk long ol Lo ken**

Ol bai lukluk na sekim ken dispela Lo behain long tripeka Krismas.

## **19. Ol Narapela ol wankain Pepa bilong Institu**

- Stetmen billong lukautim ol narapela
- Ol rul bilong Lukautim samting
- Rul bilong stretim ol Hevi
- Rul bilong tokaut long ol infomesen

# List bilong ol Tok

**Bagarap long long Bikman Meri** Sampela taim em i hat tru long luksave sapos wanpela bikpela man o meri i stap long hevi. Rait bilong ol bikpla man o meri long wokim ol samting long laik bilong ol em i bikpela samting. Planti taim, dispela kain ol pasin bilong mekim nogut long ol narapela em toktok long samting yumi mas lukuk gut long em kain olsem long moni, bagarap long tingting, bagarap long skin, bagarap long spirit. Painim moa infomesen long Katolik Seif Stended (NCSS) long lukim ol narapela tu.

**Ol Man i stap Inog Hevi (Wanpela man o meri i stap long hevi)** Ol man i stap long hevi em ol man i gat 18 Krimas na igo antap husat igat bikpela sans long bungim hevi isi tru, na tu olsem ol:

- Lapun
- Disebol
- lain igat hevi long het
- lain inogat moa strong long wokim samting
- lan i gat hevi long tingting, lukim, lainim na tingim samting
- lain husat i no save long lukautim ol yet
- lain husat i save tingting planti na wari long wanem samting i kamp long family, marit na waro long haus i nogat.
- lain husat igat ol narapela hevi we ol i nonap long lukautim ol yet long taim bilong hevi.

Mipla no inap wokim ol ges tingting long ol man. Mipla save, sampla samting i ken wokim ol man isi tru long pilim daun. Kain osem:

- yu man blo Aboriginal o yu blo Torres Strait Ailand
- yu wanpela refugi o maigrent
- yu man o meri o Yu hap Man na Meri
- yu no save gut long tok Inglis
- bifo yu wanpela viktim bilong sexual abuse na abuse bilong Pkinini

**Tok i No Stret**

Wanpela Komplein, ol ino painim aut gut yet, we i tok olsem wanpela man i wokim bagarap long wanpela pikinini o wanpela man igat hevi. Dispela tok ol i save yusim wankain tasol olsem "Komplein".

**Pikinini/Ol  
Pikinini**

Pikinini em i wanpela man or meri we krismas bilong em ino eteen yet. Wanpela Institiut or grup ol i kolim ol lo Institute bilong ol Sisters bilong Marimari bilong Australia na Papua New Guinea, ol i save olsem em i bikpela samting long lukautim ol pikinini bilong ol Aboriginal na Torres Strait ailan, ol asples pikinini, ol pikinini i kam long narapela kain kastom na tokples, ol pikinini i stap long haus bilong narapela o i nogat ples stap, na ol pikinini i gat narapela kain seks. Dispela Institiut i save olsem em i bikpela samting long givim wanpela ples we i stap gutpela long kastom, we ol narapela kain pasin na lain bilong ol Aboriginal, Torres Strait ailan man meri na ol asples pikinini na yangpla man meri i ken kisim rispekt na gat bikpela luksave lo ol yet.

**Pasin bilong  
mekim nogut long  
ol pikinini**

Igat ol kainkain ol lukluk insait long Lo bilong Australi long skelim ol pasin bilong mekim nogut long ol pikinini. Planti taim, ol i skelim olsem Sexual Abuse, kisim bagarap long skin, bagarap long tingting, pikinini nogat man i tingim ol, pikinini i sik na pikinini husat i lukim planti pait i kamap long haus. Lukim NCSS Inog painim aut moa.

**Disebol**

Em i makim husat ol igat ol sik long bodi, sik long tingting, sik long het, sick long save na ol sik i stap klostu wantaim ol hevi we i ken bagarapim ol wokbung bilong ol long wok insait long ol sosaieti na ol narapela lain tu(Atikol 2, United Nesen Bung long raits bilong ol man wantaim Disebol sik).

**Olkain Man Meri  
na ol Meri Man**

Planti ol genda o sexuality em toktok long ol kainkain pasin insait long man na meri, meri na man na tu yu non inap long tokaut ples klia.

<b>Institut</b>	Em toktok long Institut bilong Mesi Sistas insait long Australia na Papua Niugini, em wanpela lotu Institut i stap aninit long Pater na Katlik Sios.
<b>Ol Lida</b>	Ol wokmanmeri husat i gat wok long wokim ol impoten disisen insait long Sios na igo pas long Sios.
<b>Ol Ministri bilong Institut</b>	Dispela i makim olsem McAuley Ministri Limited (MML), Young MercyLinks, Mercy Associates and Catherine McAuley Sevises Limited (CMSL).
<b>Wokmanmeri</b>	Dispela i makim ol Katolik sistas, ol man na meri husat i save wok long wokples, ol volantia , ol man i kam wok Koktrak (na ol narapela ol lain tu) husat i wok insait long Institut.
<b>Ol stretpela Stended</b>	Ol rul bilong gudpela pasin we Sios long Australia i setim long halivim ol wokmanmeri bilong sios long skelim gut ol komplein bilong ol lain bilong bifo na tudei. Institut i save yusim ol dispela rul long olgeta wok bilong en insait long Papua Niugini.
<b>Lotu Institut</b>	Makim wanpela Institut we i gat laif emi holi, wanpela Institut bilong ol Aposol insait long ol Provins.
<b>Lukautim</b>	Ol wok i kamap long lukautim seifti, raitis n gudpela sidaun bilong ol wan wan - insati lonsg dispela i makim ol Pkinini long stap fri nad long wei long ol abuse na bagarap.
<b>Komiti bilong Lukautim ol Samting.</b>	Wanpela Komiti we ol i statim long givim stiatok long Institut behainim ol seif , o wei yumi ken aburism hevi, ol polisi na proses na hau yumi ken stretim tok. Ol Komiti memba mas igat ol bikpela save long lukautim gud seifti. lukaut bilong ol pikinini, kalsa bilong wokples, developmen na ol nomol man na meri.

<b>Tok Promis bilong Lukautim ol Man</b>	Wanpela stetmen we i tokaut long Promis bilong Institut long lukautim olgeta pikinini na ol man igat hevi long bagarap. Em toktok long ol Pasin bilong Institut long lukaitim ol man.
<b>Ofisa husat i save lukautim ol samting gut</b>	Em makim wanpela wokmanmeri husat i save go pas long wok bilong Nesinol Katolik Sef Stended insait long Institut.
<b>Sista</b>	I makim olgeta ol memba bilong Institut na ol Meri husat Institut i bin luksave long ol insait long dispela program bilong Institut wankain tu long ol memba husat i save wok bifo.
<b>Was gut</b>	<p>Wanpela hap bilong skelim tingting na lainim, wanpela toktok igo kam namel long tupela man, wanpela ol i lainim em gut osem wanpela supavaisa. Dispela toktok igo kam bai kamapim wanpela proses bilong rivi, skelim tingting, skelim gut samting na stretim ol wokmanmeri. Wok bilong was gut long ol samting em wanpela gudpela wok we ol wokmanmeri ol save givim dispela kain wok long em behainim ol eksperiens o bikpela save i kam long skul.</p> <p>Ol Supavaisa bai halivim ol Wokmanmeri long Profesinol stendeds (wankain long gutpela pasin insait long ol profesinol wok), stretim gut ol wok billong wokim polisi na proses bilong Ogenaiseisen.</p> <p>Bilong ol Sistas, profesinol/pastoral supavaisa i save halivim long ol Rilensensip bilong ol pasto long wokim gut ministri wok. Gudpela wok bilong ol Sista long skelim gut ministri bilong em luksave olsem em wanpela impoten samting tru long olgeta man, sios na Kominiti.</p>
<b>Man i gat Hevi</b>	Painim aut dispela tok long seksen bilong Man igat Hevi

## **Sek Taim yu Laik wok wantaim ol Pikinini**

Em toktok long taim yu laik wok wantaim Pikinini, igat sek i stap long yu mas wokim pastem behain long wok i kamap. I nogat wanpela nesinol fremwok i stap long karamapim ol seks mas kamap taim yu “wok wantaim ol pikinini”. Ol wanwan provins long Australia i gat ol nem, sistem na ol kainkain sais bilong wokim ol seks. Ol dispela ol sek i pas gut wantaim Sios long aim Sios i laik putim ol man long wok.

# **Raitim Nem long makim wanbel billong yu long dispela Lo bilong Strepela Pasin insait long Institut**

Mi wanbel long behainim ol toktok i stap insait long dispela Pepa bilong Strepela Pasin insait long Institut.

Mi save olsem sapos mi no behainim ol toktok i stap insait long dispela pepa, mi ken stap long hevi, ol i ken rausim mi long wok, na tu mi kamap long kot.

Sain: \_\_\_\_\_

Nem: \_\_\_\_\_

Wok bilong Mi: \_\_\_\_\_

De: \_\_\_\_\_



*De bilong rivi Septemba 2027.*

[www.institute.mercy.org.au](http://www.institute.mercy.org.au)



INSTITUTE OF  
SISTERS *of* MERCY  
OF AUSTRALIA & PAPUA NEW GUINEA